



MArcomirus filius fuit Antenoris Scytharum regis, qui à Gothis in bello cum multis alijs cæsus fuit. Hic Marcomirus magna fortitudine insignis in patris locum rex electus est. Cum autem ea regio hominum multitudine abūdaret, ipse primus populum suum anno septimo imperij, qui erat creationis mundi termillesimus quingentesimus tricesimus, in Germanorū fines ad hostia Rheini perduxit, & ibi nouum regnū inchoauit, ex quo tandem utraq; Franciæ regna propagata sunt. Huius migrationis etiam Herodotus libr. 4 meminit, cum dicit, quod Scythæ Cymerios regione cedere coegerint. Erant tum eorum, qui patria egressi

sunt 489360. præter seruos & famulantes. Hic populus à uicinis Saxonibus Neumagen, tanquam noui amici, primò dictus fuit. Inde à Cambra regina Sicambri, postremò à Franco rege Franci appellati fuere. In eo loco cum Marcomirus suum regnum fundasset, & magna laude primum in Galliam impetum fecisset, eam regionem ad Mosam fluuium usq; subegit. Tãdem anno regni uicesimo octauo mortuus, Antenorem filium successorem habuit. Erat Cambra huius Antenoris uxor ex Britannia oriunda, à qua populus Sicambri dicti sunt. Tritem, & Ioan. Funccius in Chronologia.